



SEBAHAGIAN daripada ribuan ikan yang mati terdampar di tebing sungai di Chibayish, wilayah Dhi Qar di selatan Iraq. - AFP

HM 07/07/23 M/S 32

## *Ribuan ikan mati terdampar*

**Baghdad:** Ribuan ikan mati dihanyutkan ke pantai di tenggara Iraq, baru-baru ini menyebabkan siasatan rasmi terhadap bencana hidupan liar itu yang mungkin dikaitkan dengan kemarau.

Jurugambar Agence France-Presse (AFP) melihat ribuan ikan kecil dihanyutkan di tebing Sungai Amshan di Majar-al-Kabir, sebuah kawasan di wilayah Maysan yang bersempadan dengan Iran.

Wilayah itu adalah habitat kepada hidupan laut di Sungai Tigris yang sudah

mengalami kesan pemanasan global.

Menurut agensi berita INA, Kementerian Pertanian Iraq pada Ahad lalu mengumumkan membentuk jawatankuasa untuk meneliti punca kematian ikan.

Sementara itu, aktivis alam sekitar Ahmed Saleh Neema berkata, peningkatan suhu yang membawa kepada peningkatan sejatan, ditambah dengan aliran air yang berkurangan menyumbang kepada kekurangan oksigen dan kemasinan yang tinggi di sungai.

- AFP